

洞天仙人之首或朝夕朝禮專敬奉事供養則必獲尸解之仙十洲三島散仙之民矣

靈寶无量度人上經大法卷之一

靈寶无量度人上經大法卷之二

五譯成書品

女師曰八明可以開聰而五譯始成世書

一譯玉宇生於虛无之先隱乎空洞之中名

大梵玉宇至赤明開圖火鍊成文為赤書玉

字无始以大通神威之力開廓五文而生神

靈宣練演秘而成大法也

二譯火鍊成文赤書之後字方一丈八角垂

芒覆於諸天下蔭西元九天之根流金之勢

玉光金真之明煥耀太空无始命天真皇人

書其文名八威龍文亦曰諸天八會之書秘

於上清玄都金闕七寶瓊臺及紫微上宮蘭

房金室東西華堂九天太霞之府也

三譯无始天尊為道法宗主玉宸道君為靈

寶教主撰此靈書五篇真文三十二天玉宇

成經名雲象光明之章内王母授黃帝龍威

丈人授大禹靈寶五符之法并太上後聖授

百代帝王靈寶專經並在三十六部經内更

一稱譯兼黃帝問道峨嵋親見皇人再蒙授

旨及吳左仙翁於太極徐真人降授流布亦

更不重叙為譯

四譯漢元封元年七月七日西王母下降以

此經法授漢武帝帝亦不曉大梵之言王母

曰无始是大羅天人道君是西那玉國人天

方與神洲之言不同况大梵之言乎遂以筆

書之改天書玉字為今文以大梵之言威儀

服御宮名圖書名色宮闕甲子卦炁壇式大

法之内諸品行用三十六部尊經並係漢制

世文之語為古今之法言也

五譯自天真皇人悉書其文以為正音妙行

真人撰集符書大法修用真定真人鬱羅真

人光妙真人集三十六部真經符圖為中盟

寶籙以三十六部真經之文為靈寶大法因

此流傳吳左仙翁授經籙法訣於太極徐真

人仙翁遺於上清真人楊君總其玉清洞真

上清洞玄二品之經法後世漸有神文是第

五譯也

齋戒節度品

玄師曰凡受行靈寶大法先須受无上十

戒

一執心平等不得自欺二忠於事君事敬天地父母三慈仁及物貧儉節身四清淨端直不得阿黨五尊敬大法深信修行六敬重鬼神不得輕侮七凡所衣食皆出元始祖炁不得外想八灰水蕩穢不用修飾九口誦心拜

无使勞形十七日大定神光湛然見玉清境

玄師曰凡修誦此經通玄究微行道希仙

先須受持齋法十二大戒

一戒不殺二戒不害三戒不嫉四戒不妬五戒不姪六戒不盜七戒不貪八戒不欲九戒不憎十戒不妬十一戒言无華綺十二戒口无惡聲

玄師曰欲專敬上法救死度生歲伏群魔統制百靈受九真妙戒

一者敬讓孝養父母二者克勤忠於君主三者不殺慈救衆生四者不姪正身處物五者不盜推義損己六者不嗔凶怒凌人七者不詐諂賊害善八者不驕傲忽至真九者不二奉戒專一

玄師曰凡受諸戒須服身皈神皈命无上

三寶不得信從邪師影響幻惑妖妄外道  
魔鬼教法師類仙者

第一皈依无上道寶

第二皈依无上經寶

第三皈依无上師寶

玄師曰如上諸戒皆天尊金口所說受持

无犯諸天稱慶滅諸魔試克獲昇仙若犯之則地司飛奏三官糾勅五帝書過小則折算中則考校生魂大則計功墮事除壽

減根退品仙階若非故違尚許懺謝惟思

秋分謝而勿再犯三負不原

玄師曰修奉大法依諸天吉日淨齋則天

地書名九玄七祖俱登南宮一身靖吉長

生不死功滿成真慶及家門所向如願鬼

神稽首萬真來朝每月一日東方玉寶皇

上天尊并九炁天君下降八日南方玄真

萬福天尊并三炁天君下降十四日西方

太妙至極天尊并七炁天君下降十五日

北方玄上五炁天尊并五炁天君下降十

八日東北度仙上聖天尊并梵炁天君下

降二十三日東南好生度命天尊并梵炁

天君下降二十七日西南太靈靈皇天尊

并梵炁天君下降二十八日西北无量太

華天尊并梵炁天君下降二十九日上方

玉虛明皇天尊并梵炁天君下降三十日

下方真皇洞晨天尊并九炁重陰土皇下

降小月退二十七日

玄師曰此十天下降之日宜淨齋謝過祈

求恩祐奏告十天三會亦宜如之正月七

日舉遷上會七月七日慶生中會十月五

日建生大會

玄師曰此三會與三元十五日皆是普度

考校之辰又有五臘之日天尊所說真一

父母恩重經此日宜齋戒祭祀先亡祖考

誦經行道拔度亡者名爲孝子餘日祭祀

非惟淫祀亦亡者不享祭亦不獲其福正

月一日天臘五月五日地臘七月七日道

德臘十月一日民臘臘十二月內玉侯臘

玄師曰更有小三會庚申甲子本命日是

也庚申日尸神白人罪過甲子日太一簡

閱神祇本命日百神朝身八節日八方天  
具朝集校量罪福功過於上元八景宮中  
四五二至二分是也又有小節會宜應祭  
作福誦經即具降獲福甲午天節會甲中  
地節會甲辰四時節會甲子人節會甲戌

五行節會丙午天之會壬午地之會庚午  
日之會庚申月之會辛酉星之會丁卯仙  
具會三日斗辰會本生日本命會

玄師曰既為學仙之士修誦大法凡遇一  
切厄會亦當修齋行香誦經天地運轉星  
宿錯度日月失會四時失度陰陽不調國  
主有災兵革四興疫毒流行兆民死傷師  
文命過此六條正是學士功行之要道且  
天地運轉者大小陰陽九百六之期有天  
地坼裂之變有度數否終之厄皆須修齋

行香誦經兼星宿錯行執道變犯芒刺杖  
筭凶恃之變日月薄蝕昏蒙之異未嘗修  
齋行香誦經四時寒濕失於節度陰陽水  
旱不調非時行令逆氣作災九野與兵諸  
暴亂起東征西伐亂臣賊子干戈橫行亦

卷一 十二

當修齋行香誦經其諸至聖神人償還宿  
業違諸魔試橫橫羅苦否之時亦當修齋  
行香誦經末學之夫不違玄域疾傷馬免  
况五穢塵世品品大疫毒王法太一兵  
運同惡相濟收還風債亦當修齋行香誦  
經行是功德必獲真人之位為金闕之臣  
也

玄師曰誦經有法具載修誦品行香有儀  
出於經緯一編其內齋者有四一則心齋  
二則常齋三則清淨齋四則長齋心齋者

謹守天戒心意同符內外同儀无思无欲  
无慮无恐儻然坐忘德同真人道合仙格  
乃曰心齋次則常齋者絕辛去厭斷葷戒  
飲是也清淨齋者斷五穀絕人事居山林  
飲元炁持戒律忘塵根散胎胎杜交友是

也是齋者並持已上三齋之法或一月兩  
月一歲兩歲十年二十年是也以至終於  
飛升始於立意是也按玄都定罪律太極  
科曰五辛食之念誦條戒內為第一罪誦  
修持誦誦犯神靈忤穢真炁獲毒蛇穿

卷一 十三

心獸報三厭食之永无仙翼又六畜之內  
禽畜胎卵不可食之食之傷生伐命猶犬  
尤忌不惟破犯齋戒科禁使人雖功德足  
備天門阻遏不令進入亦章不違上元惟  
道士病患食乾脯穢鹿鵝鴨肉脯而已病  
安故不食亦佳

寶經降世品

明寶經緘藏降世

天專於始青天中敷說此經以授道君又於  
太丹天中賜大梵之音道君序成之後上天  
為寶秘於玄都玉京紫微上官緘藏至重非  
聖不傳後西王母上請於天帝降保甲申之

災以付修真之士因此遂留於人世此經並  
是諸天上帝及至靈魔王隱秘之歌音內說  
天地劫運萬神名諱交會陰陽元炁生化其  
義不可得而盡解得悟道者自能洞明上天  
四萬劫一傳人間四十年一授輕泄漏慢殃  
及九祖禍及幽陰可不慎歟右以李少微註定此章  
明內音所因  
天專於赤明世界栢陵舍坐是時雲霧鬱勃

三日三夜冥陰不解五老上帝上奏天尊曰  
今日侍座所未曾見天尊教則致山海靜  
默天地肅清今日日陰暝天地惶懼臣等有  
疑不審何故天尊告曰今日諸天發瑞靈應  
自然玉宇煥爛障蔽天光咸令四座瞑目以  
俟俄頃天炁頓啓暝暗豁消五色光明洞照  
十方各有靈書字方一丈見於空虛之中文  
彩煥赫八角垂芒精光晃目不可得看天尊  
普告衆真曰此靈書八會字无正形其趣宛  
奧爾等難可看詳乃命天真皇人注書其字  
解釋其音以賜太上道君總二百五十六字  
道君撰次成文是謂大梵隱語因序而載二  
章之後皇人者嘗於黃帝時下降峨嵋山授  
帝以三一五芽之法復升於天也右以內音  
經合列仙  
傳定  
此章

靈寶无量度人上經大法卷之二

靈寶无量度人上經大法卷之三

霜二

修誦瓊編品

修誦存思章

玄師曰凡欲誦誦並依神化於靜室中目  
想四方三十二天名色雲炁交沓之中有  
宮觀樓殿天帝衣天色之衣冕服一一分  
明即存神自太皇天為始先叩齒一通心  
拜訖次太明天三十二過畢即閉目靜思  
三田出玄元始青黃白三色雲炁並如絲  
漸離身雲炁濃厚先交絡一形次纏映所  
坐几及席經席无不同徧次齋鬱旋繞一  
室然後出外圍布一方良久冥合天地次  
存青龍出肝立左白虎出肺立右朱雀出  
心在前玄武出腎在後獅子出脾下丹田  
十二隻列於左右想白鶴自臍沉九出九  
隻圍列四向方存眉後六合宮中有日月  
出自二目去面九寸光照室內洞微煥明  
次存日月光凝景圓在大椎骨頭之戶頭  
成九色圓象如虹蜺之狀照耀光映十方  
如此分明元始密祝有心祝微祝密祝心

祝則心中神存意祝也微祝則自己可聞  
其聲也密祝口言而已與外人俱不可曉  
其聲也十遍為一過十過為一轉誦則下  
聲而誦之誦則朗吟以誦聲十言一嚙津  
百言一啄齒燕津則養炁而潤澤內宮水  
齒則集炁而和神外保不空尸場神也錯  
一字前覆三十字以誦之越一字再覆五  
十字以誦之十遍一存思終篇可食息凡  
起居移時食畢皆再思如法不可混淆雜  
言心馳他境口不崇於上道高聖至真之  
法心不來於三寶君師父母之文志不敬  
於翠玉華珍寶章形不禮於香火朝修拜  
跪口誦心馳形存志別徒音聲以取聽遂  
捷利以數數差前訛字輕誦神文何萬遍  
而望駕雲辨雖億數而返沉點憲徒咎道  
為虛語豈不知其自致須是受於師匠必  
然誦合天規若萬遍不登太空我道坐招  
建罪之尤終无仙真之位可證手受誦之  
子宜勉志馬无犯輕誦輕世之罪犯之非  
道不慈天有明憲神不敢私